

## SALUSBURY, JOHN (1575 - 1625), neu John Parry, Jesiuit, ac ysgolhaig

**Enw:** John Salusbury  
**Dyddiad geni:** 1575  
**Dyddiad marw:** 1625  
**Rhyw:** Gwryw  
**Galwedigaeth:** Jesiuit, ac ysgolhaig  
**Maes gweithgaredd:** Crefydd; Ysgolheictod ac leithoedd  
**Awdur:** Emyr Gwynne Jones

Ganwyd yn sir Feirionnydd, 1575, aelod, o bosibl, o deulu [Rug](#). Aeth i goleg y Jesiuitiaid yn Valladolid, 22 Mehefin 1595; urddwyd ef yn offeiriad, 21 Tachwedd 1600, ac ym mis Mai 1603 anfonwyd ef i Loegr lle yr ymunodd yn 1605 â Chymdeithas yr Iesu. Wedi marw'r Tad Robert Jones yn 1615, dilynodd Salusbury ef fel ' Superior of the North and South Wales District,' ac aeth i fyw i gastell Raglan lle y gwasnaethai fel caplan i'r [arglwyddes Frances Somerset](#). Yn 1622 sefydlodd Goleg S. Francis Xavier yn y Cwm ym mhlwyf Llanrhyddol, sir Henffordd, a daeth yn bennaeth arno. Bu farw yn 1625 pan ar fin ymadael am Rufain i lanw'r swydd o ' procurator,' talaith Lloegr o Gymdeithas yr Iesu. Cyfieithodd Salusbury yn Gymraeg lyfr Eidaleg gan y cardinal Bellarmine dan y teitl *Eglurhad Helaethlawn o'r Athrawiaeth Gristnogawl* a argraffwyd yng Ngholeg S. Omer, 1618.

### Awdur

Emyr Gwynne Jones, (1911 - 1972)

### Ffynonellau

*Oxford Dictionary of National Biography*, a'r awdurdodau a enwir yno

### Dolenni Ychwanegol

Wikidata: [Q18810922](#)

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

